

愧

瘖

集

愧瘖集卷之九

莆田二山野人林大輅稿

七言律

冬日早朝

甲戌

奉天高捧紫雲光
旭日平分御幄黃
玉仗九階明鷺序
金門雙闕煥龍章
嵩呼聲動鈞天樂
獸舞魂清午夜香
豈有才華陪董賈
祇將歌咏答虞唐

至日書事

愧瘖集

卷一

至日金門分淑候五更鐘鼓擁朝簪星橋振鷺
千官節天漢瞻龍萬國心待臘柳條堤雪淨先
春梅蕊禁雲深朝回忽聽南飛鴈長壽清尊憶
故岑

乙亥元日書事二首

寶曆韶華復履端山呼聲裏萬方歡飛龍天上
瞻明主舞鳳雲中列從官金闕彩霞山色曉
玉橋晴液雪光寒宮壺彩勝皆新澤三誦椒花
意未闌

燕京宮闕五雲涯。天府金城似漢家。僊輦瞻星
催禁珮。雲韶香霧縮宮花。朝正玉簡光三竺。獻
瑞瑤觴進九霞。海上野人初玷籍。清時報答有
瓊華。

郊日齋宿

禁漏遲遲出太清。寒霄星彩動高城。樹縈晴雪
簾間影。鐘度微風檻外聲。燕寢心香依日月。清
齋天語切公卿。攬裘不寐瞻雲近。宜室懸知
聖主情。

南郊 駕歸迂慶禮成

芝壇寒漏燔烟徹 法駕傳歸擁五侯
淑氣平浮 金闕動誦聲遙帶玉溝流
九霄紅日懸螭陛萬樹彤雲出鳳樓
藹藹從官如振鷺 君王端拱自千秋

謝先字以由弟秋試下第寄訊二首

問字誰過楊子廬南山舊業有詩書
放蹄天路秋仍遠點額龍門事豈虛
楚客荆山曾泣玉粵人滄海慣探珠
憐君述作通玄理荏苒風塵轉

懷子

三載談經一榻分
僧齋香篆日氤氲
友朋短褐多懷玉
伯仲春山幾臥雲
澤豹霧深應獨隱
大鵬天豁若爲羣
石林歲暮丹楓雨
藜火鐘聲午夜聞

蔣子雲定居西長安

南冷三載賦閒居
春日長安西卜廬
苑樹飛烟分客榻
禁鐘浮月散朝車
楊雄天祿多奇字
方朔金門有諫書
相望河橋應不遠
莫教風雨往來疏

來疎

春日湯溪府宴集

甲第繇華還帝胄，高筵賓客盡書生。
看花共引龍門興，賦雪應知兔苑情。
玉笈樓雲閒道室，金壺留月藹春城。
歸燈欲發遲遲去，禁旅虛傳午漏聲。

登臺二首

憂國懷家思并催，雲山南北一登臺。
翩翩孤鶴晴空去，啞啞寒鴉汝壘來。
玉樹不隨風徑落，黃

花偏對酒尊開狐裘五載春明路覆雨翻風日
幾迴

踈草平沙野霧黃秋風岐路過三霜談餘燈火
詩魔在舞罷千將酒興長萬里邊防還朔漠百
年王氣重昭陽碧雲綠水依然在遲戀長安亦
故鄉

燕臺九日

燕臺九日同佳節白帽青山憶故鄉風雨閉門
塵事少酒杯留客晝陰長天低苑樹迎霜白雲

傍庭花入座黃駉馬翩翩連上谷屬車遙憶羽
林郎

九日寄何營繕孟循

重陽負爾登高約京洛相看倍黯然賸有黃花
開舍下可無烏帽落尊前鳴蟬日抱城西柳候
鴈寒移塞外烟欲枉南州何水部清霄詒榻一
燈懸

寄鄉中諸友

蟬鳴鳥度秋將暮草白梧黃客未回落日半窗

山色去長風頻送雨聲來書傳燕館憎南鴈夢
醒江村阻北臺雲臥故人僧舍寂相思應動看
山杯

勒石

勒石燕然消息遲翠華天上滯歸期七旬干羽
懷今日六月兵車悵昔時萬馬如龍遊禁苑五
雲似錦綴僊芝玉關鐵壁荒荒暮月色笳聲有
所思

直省

省樹蕭疎過暮秋。冷風吹雨度貂裘。宦情落落
慚多病。世事悠悠欲倦遊。直闕星河潞水臨。
江雲物蘄門浮。砧聲已報授衣節。白柳丹楓共
旅愁。

順城門候 駕

塞外班師報不迷。雪花如掌九天低。貔貅帳外
聞歌吹。虎豹雲中息鼓鼙。午夜瞻龍分振鷺。都
亭立馬聽鳴雞。懸知拄杖軍前賞。辛苦幕南野
日西。

春夕同張御史集竇給事宅二首

時同張竇
備役兩宮

粵客天涯復歲芳，感時自惜阮生狂。
梅魂抱雪香初淨，柳眼含烟翠欲長。
青瑣考工應續記，烏臺封事久流光。
飛塵不拂簾間月，春在燕山五桂堂。

蒲城絃管動長安，爛熳星河直北看。
兩鬢行藏驚節序，三年懷抱共悲歡。
雲端龍闕千秋峙，月下瑤漿萬籟寒。
白雪聽君歌欲曙，喜陪仙籍一

彈冠

天津寄謝光宇

潞水寒漸遲雪棹天津高浪渺帆檣鄉書冉冉
春將暮客夢依依路且長寺裏簡編分石戶省
中燈火淨繩床青山黃菊秋風晚遲爾相看一
舉觴

臨清邂逅葉鳴玉館中

別君隔歲柳條青客館維舟憇此亭院落簡編
紆畫漏門牆燈火耿春星極知俗學非師古欲

抱天和獨反經孺子清歌酬子夜滄浪一曲靜
堪聽

濟上贈侯應乾水部

濟上看雲駐客旌樓頭載酒問仙名片帆野色
逢君日幾樹鶯聲別我情禹甸春深王賦定齊
河天迥魯泉青年來經濟真能事忽漫佳音報
友生

臨清逢林克敬判官別寄

思君頻在燕京日繫纜驚看衛水傍喜有詩情

稱吏隱况多清譽重河防三年騎馬兒童識兩
日看花地主忙別館酒杯歡不極春城歌管意
何長

泊潞河寄鄉中諸君子

王事驅馳賦遠遊祖筵談劍慰遲留春風使節
都門外落日星槎潞水頭細柳鶯聲晴雪暖芳
洲蒲影晚風柔行人回首青霄上一日停雲似
九秋

邂逅卓起巖廖雲卿二廣文二首

商歌何處覓知音把袂蘇門三月陰十載江湖
霜劍老一燈風雨薜齋深簾間野石邀山月沙
際晴莎度水禽共惜年光拚一醉相攜應動故
園心

客裏何當愛客過坐中清論似懸河虎丘鹿苑
野雲暝蠡口胥門春水多幽事却憐文字飲壯
懷初對友生歌東華一別三千里何日同君鳴
玉珂

遊通天巖二首

九戶香煙滿佛牀相過疑在水雲鄉沿厓午杖
隨高柳倚石春杯接野芳天上玄踪雙白鶴人
間塵夢幾黃梁梅峯烏石柴門近舊日吹簫到
上方

陟磴穿雲快晚風銜盃遙入翠微中東溟日照
青芝樹小野天低紫極宮僊梵孤峰邀楚笛客
星二水轉吳篷歸途人亦歌山簡相送村燈十
里紅

同劉梅國參政遊通天巖二首

興入蒼霞江上峯喜攀僊袂共從容巖前草色
浮晴渚日午鶯聲出古松選勝使君初下榻談
空野衲亦鳴鐘流光閱盡風花晚却愛禪門野
翠重

綠蕪古道不飛塵問水尋山亦舊津雲在石門
如遲客花明佛日更娛人清談歲月存碑碣南
渡衣冠各隱淪登覽未須重吊古尊前雙樹鳥
歌新

贈都水謝郎中

吳門東望使星高
拓落憐君鬢二毛
甲第清時叨後戍
文人水部愧同袍
南天嶽色諸谿雨
別浦江聲五月濤
康樂詩篇賓客在
永嘉幽事未蕭騷

同趙侍御韓主政遊西湖二首

九疊芙蓉接太清
扁舟無浪一篙輕
尊前松翠諸天杳
檻外花枝野日明
白水漁歌舒遠眺
碧雲菱服寄幽情
山僧茗碗遲春仗
回首六橋華

月生

烏臺畫省歲華新
問柳尋花出郭頻
寺遠碁聲初出戶
林深鳥語欲留人
登臨綠嶠淹蘭舫
徙倚蒼雲灑葛巾
我亦孤山林處士
欲將江海寄閒身

湖上呈周用賓馬子莘二首

雀舫清尊楊柳風
道人巾舄偶然同
湖光山色虛無裏
宋苑吳祠悵望中
話久笙歌喧夜壑
詩成燈火過禪宮
剛卽別後應相憶
萬樹松花海日紅

山日初長振旅衣碧流芳樹啓荆扉穿蒲野鳥
栖栖下背閣城烏欵欵飛四海交情憐叔子百
年清興憶玄暉清談入夜山鐘發獨數星河淹
未歸

同辛彭美中郭世重彭朝吉王仲淳雷孟
升丁季學俱赴官過錢塘予偕韓廷延
讌集西湖五首

寰中幽事看山得十里松間俯桂堂僧飯自蒸
雲子白越醪同醉菊花黃五峰秀野彤霞淨三

竺靈巖溼露香葛塢嶺舒塵界渺欲扶蒼玉叩
丹房

清時作客寄浮踪雙舄何如七尺筇玉澗野流
蒼石遶沙堤晴樹碧雲封江干攜客聽秋笛谷
口逢僧報午鐘淪茗撥醅談勝選諸天登覽共
從容

一葦湖風拂酒旗搖春漁舸欲何之海鷗並浴
漉虹澗沙鳥羣栖得月池龍井寒浮丹液淨玉
軒清逗懶雲遲層華燈火殘碑讀曾似黃庭一

卷奇

狂夫青鬢漫談玄麗景佳辰意灑然霄漢兩峰
天路渺風塵南國客星懸山低雲洞羈孤鶴潮
隱月林泣杜鵑細與同袍相慰藉玉簫吹徹聖
神年

憶自東華別帝鄉金焦櫓李渺航檣江春客到
胥門近天目山分壁水長今雨樓臺浮佛日秋
堂鐘鼓俯禪牀破除杜曲凌虛氣點綴蘇堤翫
月觴

洪兩峰司寇別院宴集

秋卿院落城西曲愛客傳杯白晝閒天借平公
便綠野人疑謝傳久東山玉池浴鳥鰲峯下錦
石栖雲閣苑還幾曲清歌開暮景高霄明月照
蒼顏

趙御史行臺小集

栢院爐烟裊裊遲松花晴影午階移鶯聲古樹
留歌譜雲彩虛亭落酒卮春日解鞍幽事共客
中談劍故人知江湖獨見蘭臺史紫禁宸遊動

達思

吳山送志道叔轉南銓部

叔氏厭囂耽寂在駕部改南銓曹仕宦所少亦素翁教也

清時吏隱乞閒曹
白下詞人擬漢騷
山色西連京口渡
江流東匯海門濤
書生歲月三長缺
逆旅風烟一短袍
斗酒相看秋思裏
吳山離樹暮雲高

訪林和靖草堂二首

客中三訪隱君堂
天末秋風醉一觴
清世更便

巢父臥高風曾有楚興狂
階前飛鶴知畱客竹
片寒梅欲近牀茶鼎吟壇俱寂寞
空留烟草伴
年芳

小隱風流慕昔賢茅齋高蘸碧湖懸
孤山車馬
無來徑野水舟航有斷烟
袞袞人間行路客寥
寥方外卜居緣
漫卽機事沙鷗識相對看雲意
惘然

吊岳武穆墳二首

百戰間關許國辛
英雄遺恨獨潸然
皇輿當日

曾浮海虜帳何人共戴天
鐘鼓隳傳三竺雨風
波寒鎖六橋烟孤墳一吊空蘋藻極目南枝聽
杜鵑

湯陰不葬初連塚馬革懸尸舊有情惻惻西臺
三字獄嗟嗟南渡百夫英金牌落日摧僊鎮玉
殿腥雲結汴京白鷺黃龍皇幄遠胡笳羌管夢
魂驚

吊于肅愍墳二首

下馬穹碑再拜看
獨憐遺事幾凭闌
金城胡騎

西山圻黃屋王庭北海寒萬里邊防周節鉞五
湖王氣漢衣冠勲名須與風雲會惆悵人間行
路難

千秋少保雙墳峙兩代人豪百世師清議獨垂
知已恨遺忠猶想報君時溯雲漠漠橫長隧山
日亭亭照古祠行客豈知浮世事眼中岐路益
堪疑

飲鮮文卿御史行院

驄馬南遊浙水清張輪暴斧壯心并簡書五月

千門夢魚鳥三巴萬里情座上雄談遲漏箭尊
前清景動詩城黃雞白飯西征錄長記仙郎舊
日名

過鳳凰山登勝果寺二首

大內青山滿建章銅駝荆棘幾斜陽歌宮恍惚
縈蕪苑輦路虛無蹴鞠場青雀北飛胡月冷白
龍南去海雲黃武林舊事憑誰記落日江聲引
恨長

獨扣僧鐘覓宋丘海門濤近白蘋洲江湖玉氣

胡塵掩龍虎空山寶刹浮石畔女軍調玉羽雲
間仙仗擁貂裘興亡今古空春夢寂寞曇雲碧
樹秋

送楊殿之繕部歸朝

四月輕風動客旌綠楊黃鳥送君情當年水部
詩能繼此日冰壺望更清越榜雨晴過潞水吳
雲天遠憶江城臺端應念而翁後竹簡青垂舊
日名

方伯方松厓招飲紫雲洞以吉侍御同往

白日僊蹤興不違
鰲峰寂寞洞雲飛
堦前翔鶴來晴渚
樹裏鳴雞出野扉
徽省匏尊驚下榻
龍門燈火愧傳衣
東坡地主人間少
秦仲何緣到翠微

宴陳廷尉希白吳山別館

廷尉瑤筵花盛開
彩霞僊仗卽蓬萊
芝園分水通村笕
竹塢流雲傍野杯
白髮新知惟鳥雀
青山舊業有樓臺
餘歡莫漫聞鐘歇
乘醉猶堪並馬回

別鮮道長文卿

杜史風流十載聞
武林膏雨淨塵氛
人間豺虎應無迹
天上麒麟定不羣
葛嶺潮聲驚去客
吳門月色倍思君
賈生擬上匡時策
錦里誰傳諭蜀文

吳臨淵招飲分司

蒼松翠栢淨霜標
白簡烏臺憲節遙
雲在吳峯頻入闥
泉分村渚欲平橋
野人意氣慚疎闊
前輩風流慰寂寥
鷹隼鳳鸞還世業
故山叢桂未

應招

送方松厓致政歸莆二首

方伯攜書歸故園
市旗村鼓共攀轅
紫薇天近春先到
烏石雲深望益尊
老去行藏應自信
向來心事許誰論
雲莊一榻同招隱
何日投簪扣

石門

江上潮來雨色寒
宦情離思幾悲歡
歸因綠野還憂國
疏重蒼生却謝官
十里風清嚴子瀨
三湘雲長屈平蘭
聖明行復思元老
別酒休歌

行路難

遊虎丘寺呈朱有度

虎丘臺閣望中浮，青野嵐光澹不流。
草長舊池春躍鯉，雲深荒隴曉鳴鳩。
繩床選佛諸天隔，竹院逢僧半日留。
贏得客心無住著，烹葵炊黍話滄洲。

與韓石谿遊靈隱天竺二首

靈隱遙遙帶遠林，游軒歷歷午天陰。
鐘聲鶴徑蒼霞滿，山色龍池碧草深。
桂閣月瓢淹客興，芝

壇雲榻渺禪心冥棲疑有詩僧在洞裏清簫未
許尋

客來三竺興偏豪望海翻經一嘯高天路明霞
平楚色石門晴吹亂松濤瑤林巖骨連丹井玉
澗雲枝傍碧桃馬上清歌韓吏部
攜手戀
同袍

再遊虎丘逢林別駕希虞孝廉林乎石洪
鳴雍卽事二首

夏日尋僧放旅懷晴川十里錦航開陰陰松翠

分禪宇冉冉荷香到酒杯雲淨鰲峰橫秀野池
清劍石長春苔故人邂逅歌連袂秉燭還登望
海臺

汗漫遊踪亦有涯虎丘蘭若渺蒼霞兩年巾舄
山人興五月煙花大士家極浦晴波低去鳥隔
林高柳亂啼鴉淹留欲借雲間榻共對山僧聽
法華

臨清逢葉鳴玉

南宮三落子雲才客裏清歌何壯哉千里交情

驚衛水兩年歸夢隔春臺高齋散帙池荷淨別
館移尊野菊開彩筆幾時傳漢署青萍遙夜動
星台

通州道中

野寺荒荒及早秋道旁僧茗偶然留呼童繫馬
蟬聲劇倚樹迎風雲影流逆旅勞生真傳舍野
人閱世只虛舟長安徑路青萊短蕙佩蘭裳好
自脩

送李子光還蒲二首

清曹三載一官微
日日虛欄倚晚暉
賓館初懸隙子榻
親庭頻憶老萊衣
飢鴉號雪村村下
老葉酣風樹樹飛
獨念李生眞磊落
詩囊藥裹故園歸

燈火清齋別話深
風塵懷抱感如今
千峰欲雪君猶去
片月無琴我獨吟
朔塞征車三月望
西湖桑梓五年心
多才莫漫故園老
鴻鴈春來遲爾音

直省感事

槐柳蕭疎烏雀枝
省中涼月坐書帷
賈生南去誰憂國
姚相重來漫救時
遶道駑駘風雪瘁
他鄉鴻鴈稻梁肥
星河正直蓬萊闕
悵望行宮歸未期

聞邊報

博山香淨閉閒門
世事羈心誰共論
草屋雨餘蛛網斷
霜林風後鳥巢存
三時多事塵千里
百感無聊酒一尊
聞道材官能退虜
幕南餘在幾招魂

寄謝光宇

烏石山人別我久山中消息竟何如遙聞叔度
不辭客最愛虞卿能著書舍北黃花還共媚鏡
中玄髮未應踈漫郎搖落秋江冷回首何緣覓
鯉魚

張家灣道中二首

天明出門衢滿塵瘦馬欲走却逡巡偶來野寺
已黃菊懸知清江多白蘋林塘郭外非招隱風
雨天涯那避人遠憶子真谷口淨近時魚鳥長

相親

幾年行路酬孤志相失其如麋鹿羣迷途冥冥
風落木午望依依山出雲上谷帝宮連沙漠黃
昏胡騎驚續紛書生煩憂錯料事邊吏多材勒
高勳

東竇給舍明張御史翰

黃門信息報津吏驄馬同過意氣豪芙蓉竝發
足顏色屬玉雙飛明羽毛停驂細酌挹青眼把
菊新詩傳素毫日脚抱雲莽空闊北風不貸白

綿袍

送人官虔州二首

潞水津頭買去舟
暖風吹換隔丰裘
朔鴻南燕三春隔
海色江聲萬里浮
瘴嶺瞑涵桃雨暮
鷺山香老桂風秋
還聞寇盜防戎馬
贈爾千將作壯遊

爾將適楚獨躊躇
別我涼風到客居
湘水蟠龍秋雨泛
衡陽征鴈暮雲虛
官專河課堪常祿
地近閩關好寄書
五載曹郎意踈闊
青霄勲業欲

何如

巳卯春日晚朝二首

樓上雞鳴日影斜
風輕宮樹漸栖鴉
千宮繞仗依華蓋
萬國瞻龍駐紫霞
熊館虎城初賜火
金門玉署罷宣麻
微臣欲獻同春賦
滌氣先催漢苑花

上國龍旂隔歲還
葱葱佳氣紫霄間
朱衣殿上傳天語
玉燭光中識聖顏
鎮國旌旗沙漠府
防胡驃騎玉門關
長安燈火疎鐘外
騎馬朝回

鴈鷺班

與子莘同作清言

羈旅欲辭蒼水使僊人疑在紫霞關
六丰漢署三芝長萬里滄江一鶴還
藜杖憑雲過別墅洞簫吹月在秋山
相逢且試尋真服不問神僊學駐顏

馬錦衣樓上同馬子莘次杜

客裏逢春思轉哀江門萬里望遲迴
晴空飛鶴摩雲去夕照棲鴉拂樹來
朱紱未歸招隱徑素

琴誰奏望僊臺馬卿賓榻南樓上不任狂歌一
舉杯

同內氏杖北司始得辯誣卽事呈獄中都
憲范公鏞給事中李子長席子彖三首
三載辛勤負此官帝恩如海浩無端形容槁
木忘吾病蹤跡浮萍且自寬不厭糟糠頻舉案
已甘苜蓿久堆盤從今歲月春長在報答猶能
歌考槃

省寺諸賢多去國吳航南下路河陰何年霽漢

同華袂此日風波共素心愧重鄒陽濱百死懷
深莊舄更孤吟多君義慨頻憐我抖擻風前一
歛襟

聖明仁恕開天網國罰全生逮一家占喜據牀
聽報鵲招魂步屐數樓鴉幽蘭湛露初生色普
李春風又著花茗碗相看同語笑不驚留滯在
天涯

與李子光語別

倦飛亭上昔年春小阮文章已有神岐路風塵

驚按劍憂時雲物倍沾巾黃茅夢遶炎州外白
鳥情閒曲水濱此別與君各生理江湖音札莫
辭頻

寄葉鳴玉水部

兩緘瑤札寄長安病裏相思慰舊歡天府河山
平世險客途風雨杪秋寒浮雲野鶴探秦洞赤
舄青袍寄漢官爲語高情賢水部浮槎濟上別
君難

李子充筵至河西言別二首

客裏逢君鬢已絲十年訝爾出門遲詩城賓館
燈花落世路離觴日影移舊國風烟空遠淚他
年湘漢眇交期翠華近報南征在玉帳鑾輿動
遠思

買酒烹魚話舊緣天涯別思轉淒然重逢歲月
知誰健回望雲霄祗自憐潞雨孤舟寒背郭燕
堤離樹遠含烟移官叨食西陵粟長魏龍門有
隱賢

發軔

六日發網自天津窮途風雨滯殺人汨汨有懷
鬢髮短匆匆多事甲兵新東谷飢寒每爲客西
莊松菊非吾鄰六載承明愧浪跡蒼茫回首頻
傷神

寄訊畢郎中濟時

禁兵較獵時中
外戎服候駕

候鴈初過薊北飛蕪葭白水晚風微久聞禁旅
屯城壘近報江藩散賊圍駭浪浮梁人不渡煖
烟平苑獵初歸知君日接雲霄侶袞袞戎衣謁

帝畿

將至清源二首

聞說清源路不通翠華行殿紫霄中
令嚴虎旅誰先勇樂奏雲門各自工
獵騎長喧平樂苑羽書遙報未央宮
南兵共喜天威近湖水波深氣貫虹

雲屯扈從下燕州社稷憂深此暫遊
鉄騎天聲騷萬里西江烽火耀三秋
軍需列鎮頻催貢玉食千官共薦羞
昔日榆林胡馬在安邊平虜尚

淹留

別黃君俊戶部

病後故人傾蓋少黃郎邂逅在清源他鄉故國
正多事剩水殘山應細論短日烟深豺虎路暮
城笳斷蒺藜邨浮萍南北傷懷抱知爾相思罷
酒尊

寄鄭成昭刑部

衛水暮雲送客舟夜來清夢重淹留相憐衰病
惟知已不爲蹉跎欲倦遊涼雨關心悲遠道江

在隨意紀清秋何年谷口青藜杖長日看雲共
散憂

濟上瞻闕里

瞻依歲月媿簪紳長望宮牆隔藻蘋洙水天浮
千聖澤尼山日抱兩儀春經綸有夢終宗魯刪
述何心却繫秦大道中行非避世間津翻覺耦
耕人

歌風臺二首

玉衣黃屋故鄉還滅項誅秦馬上聞四海風塵

收王氣九霄日月照人寰邨烟漠漠低平楚河
水淙淙隔暮山湯沐市廛總陳跡歌風猶激壯
夫顏

父老驚看隆準公六年亭長已乘龍皇圖帝略
關山外舞席歌臺煙靄中猛士他年淪鼎鑊
心何地攬英雄最憐纖薄吹簫者一劍翻成左
袒功

露筋廟二首

岸芷河蘭散晚芳簫蕭清籟滿帆檣青山埋骨

心同老古廟栖靈世更長
苔蝕斷碑初辨字風吹野
几漫焚香商歌一曲中流
上獨立蒼茫吊夕陽

湖上荒祠知幾年招魂初
詠露筋篇紅顏皓魄一宵
盡白日青天萬古懸豈有
業緣甘飼虎漫言溝瀆任
招鳶遺編獨紀嚙膚女不
似曹娥名有傳

舟行感懷寄戴吏部宗道四首

戴同年生同戊申慷慨歸落善予交數月視予患難扶助極力不忝古人予南

謫語予曰行路固難子其立定
脚跟哉適爾有懷漫言同志

逐客遠遊甘濩落計程南下歲華侵天津日暖
雲移棹魯甸秋深雪滿林東署登堂前夕夢西
陵去國百年心披襟何日談生理與爾同悲莊
鵲吟

六載長安共起居人情宦況幾乘除齊中鮑叔
應知我江夏黃童益愧予畫省雲霞低禁苑王
橋鵲鷺近天衢不禁南望增惆悵千里殷懃尺

素書

涼夕天風授客衣弟兄逆旅酒杯稀子雲自信
玄言老安道頗驚隱志違月色漕河喧不寐燈
花越舸寂相依浮生浪跡何終竟夢落風波喜
暫歸

大野荒疇眇武城浮舟初趣曉曦行羈孤去住
懷朋舊嬾慢將迎失性情堤柳開河分兩色郵
亭流水倍秋聲岱山峯嶺層雲外欲寫新圖寄
玉京

桃源阻雨

愧瘖集

卷九

七

桃源忽漲連朝雨徐野橫吹萬里風高浪夜聲
轟近海遠山寒色暝浮空軍中禮樂人稀見淮
上繁華歲不同去國遲遲猶抱病越舸南下獨
飄蓬

登金山寺二首

金山歲晚獨登臺佛日曇雲送酒杯樹色海門
吳岫立潮聲京口漢槎來乾坤浪迹書生債今
古悲歌壯士懷返照依微僧磬寂呼黿招鶴意
遲迴

碧山浮玉俯東流萬里登臨一散愁檻外龍池
飛翠入林端鵲石亂雲留吳門海氣扶桑曉野
寺天香薝蔔秋過客不須重吊古兩都今日帝
王州

看雲

伏枕經旬隨旅泊看雲今夕復殊方誰憐祖述
江浮楫豈有桓伊笛近牀瓜步烟波分海色廣
陵楓葉倍年光黃牛白馬關心地搖落他年漢
署香

江行

墨綬銀章不散憂，羈孤歲晚碧雲流。
西陵衣馬催多病，三峽風烟去幾秋。
兒女江行情俱憊，弟兄鄉夢若爲酬。
蕭條漫憶吳門叟，歸興尋鱸得自由。

浙東江行六首

旅遊如夢豈堪尋，羅鳥風泉迥素襟。
論事頻生談虎色，側身長抱履霜心。
越航依岸搖千樹，浙水涵雲淡遠岑。
斜日酒杯誰晤語，懷人空有隴

頭吟

弱歲寒流塞衆芳六年岐路近清光匣中劒氣
青霄迴石上琴聲白晝長原子商歌頻出戶袁
生雪臥只空牀風流異代眇何許薄劣吾生亦
漫郎

風波隨處罷將迎回首金臺兩月程雙闕紫雲
鴉外度九門瑤樹日邊明懷深陟岵歡萊綵跡
逐鳴騶動楚旌飲鼠棲鶴應自分野夫偃蹇薄
功名

書囊藥裹日相隨
駭浪江聲棹自移
岸淨丹楓飛雨外
谿迴翠荇亂雲涯
烏山燈火初留榻
青草池塘舊賦詩
伯仲相看各飄轉
南歸猶作夢中疑

海門潮落碧沙明
郭外邨居入望平
彩鷁遲看白鳥下
晴流低蘸紫霞生
兩山桑梓天涯夢
萬里江湖歲晚情
漁父屈原俱寂寞
滄浪何處楚歌聲

桂舫蘭橈泳碧流
南州雲物偶相留
洞深樵谷

千峰寂江遠嚴灘七里浮仙奕何人淹白髮客
星隨處照滄洲餘生喜見兵戈息巾舄三湘賦
遠遊

送王時行赴闕

紫陽仙洞俯山麓王子尋真喜再過翠竹青霞
春幾許瓊漿石髓意如何江頭畫舫朝天去松
下清尊與客歌幾日相看驚又別武林遙夜夢
魂多

愧菴集九卷終